

Magaly Maduro di FHMD: Hende Homber tambe por ta victima

Na Januari tabata tin dos caso di violencia domestico contra hende homber



ORANJESTAD (AAN): Coordinadora di Fundacion Hende Muher den Dificultad, Magaly Maduro a duna di conoce cu nan tambe ta haya casonan di violencia domestico unda hende homber ta e victima. El a laga sa cu na Januari tabata tin dos caso den un siman unda hende homber tabata e victima. Esaki ta algo cu hende no ta hari'e mas. A realiza cu hende homber tambe por ta victima di violencia sea verbal, financiero, emocional y tambe fisico. "E no ta nada pa tin ber-

guenza pasobra ta algo cu a pasa semper den nos sociedad, pero nos no tabata papia over di dje", Maduro a indica.

Via tur medio di comunicacion e hendenan ta yega cerca e fundacion. Sea via Messenger, via telefon, WhatsApp, etc, e coordinadora di FHMD a laga sa.

VIOLENCIA FISICO MAS COMUN

Den ambos caso, hende homber como hende muher, FHMH a constata cu violen-

hende a maltrata nan. Pero despues den combersacion ta sali afo cu tin hopi mas tipo di violencia cu na final ta bira un combinacion. E por ta un forma di violencia verbal, emocional pero tambe fisico, a remarca.

Hopi hende no ta realiza cu nan ta bibando algun sorto di violencia den nan relacion. Pesey ta bon pa pone atencion na e 'red flags'. Segun Maduro, na e momento aki FHMD no tin un shelter pa hende homber.

Por ta den futuro esaki lo mester sosode. Sikiera un of dos apartamento pa hende homber. Te cu awo nan ta duna guia pa loke ta e parti di combersacion y unda cu nan no por mas ta referi esaki na un psicologo of na un

otro instancia cu si por yuda nan.

FHMD tin cooperacion cu Sociale Zaken y tin mas instancia cu ta traha como partner, Magaly Maduro a duna di conoce.

MAN YEN

Finalmente e coordinadora di FHMD a agrega cu tur dia nan man ta yen di caso. Incluyendo Diasabra y Dia-domingo.

E casonan di violencia domestico por sosode cualkier momento, sin respeta raza, religion, genero, clase economico, partido politico, etc.

"Den tur funcion aki na Aruba nos sa cu violencia domestico ta tuma lugar", a indica.